

## Қарз олди-берди муомаласи

21:47 / 21.04.2017 6651

### Қарз олди-берди муомаласи

Қарз олди-бердиси жамият аъзолари ўртасидаги ўзаро муносабатлардан биридир. Инсон ҳаётининг барча жабҳаларидаги каби, динимизда бу борадаги барча йўл-йўриқлар ҳам мукамал ва чиройли баён қилиб берилган. Аллоҳ таоло Ўзининг Каломи – Қуръони каримдаги энг узун ояти каримани айнан шу масалага атаб нозил қилган. Замонамиз уламоларидан машҳур муфассир Ваҳба Зухайлий ўзининг «Тафсирул Мунир» асарида бу ҳақда шундай дейди:

«Қуръони каримдаги энг узун оятнинг қарз олди-бердисига бағишланиши, молиявий ҳукмнинг баён қилиниши Аллоҳнинг наздида мол-дунёнинг таҳқир қилинишини эмас, балки унинг ҳурмати нақадар баландлигини кўрсатади».

Дарҳақиқат, шундай. Аллоҳ таоло хоҳлаган бандасига беҳисоб ризқ берса, хоҳлаган бандасини етишмовчилик билан, молиявий муаммолар билан синайди. Шунинг учун кишилиқ жамиятини қарз олди-бердисиз тасаввур қилиш мумкин эмас. Қуш тирикчилик қилиши учун қанот қоқишга мажбур бўлганидек, ризқ топиш, мол-дунёни қўлга киритиши учун инсондан ҳам маълум бир саъй-ҳаракатлар талаб этилади. Уларнинг машруъ йўлларини белгилаб бериш эса диннинг вазифасидир. Аллоҳ таоло Қуръони каримда мол-дунё топиш, тирикчилик қилиш учун ҳаракат қилиш лозимлиги ҳақида кўпгина оятлар нозил қилган:

أَشَاعِمَ رَأَهُنَّ لَأَنْ لَعَجَوْ

«Ва кундузни тирикчилик қилиб қўйдик» (Набаъ сураси, 11-оят).

لَللِّ لُصَفَ نِمَ أَوْعَتْ بَأَوْ ضَرَّ أَلِ يَ فِ أَوْرَشَتَ نَ أَلِ صِلَ تَ يَ صُ قَ إِذِ فِ  
نُوحَ لُ فُ تَ مُمُ كَلَّ عَ لَ أَرِي تَ كَ لَ لَ أَوْرُ كُ ذَا وَ

«Намоз тугаганидан сўнг ер юзи бўйлаб тарқалинг ва Аллоҳнинг фазлидан талаб қилинг ҳамда Аллоҳни кўп зикр қилинг. Шоядки, зафар топсангиз» (Жумъа сураси, 10-оят).

Баъзилар динда мол-дунё, бойлик қораланган деб ўйлашади. Аммо бу динимизнинг моҳиятини, илоҳий ҳикматларини нотўғри тушуниш оқибатидир. Ислонда мол-дунёнинг ўзи эмас, балки унга ўч бўлиш, ружуъ қўйиш ва натижада Аллоҳ кафолатлаб қўйган ризқни деб тоат-ибодатдан чалғиш, гуноҳга ботиш қораланган. Агар динимизда мол-дунё қоралаган бўлса, шариатимизда садақа, хайр-эҳсон, закот, ҳаж каби молиявий ибодатлар жорий қилинмаган бўлур эди. Биз ўрганаётган ояти карима ана шундай молиявий ибодатлардан бири қарз ҳақидаги мавзуга бағишланган.

«Қарз» сўзи араб тилида «узиб олиш» деган маънони билдиради. Масалан, кесиш, узиш учун ишлатиладиган қайчи араб тилида «миқроз» дейилади. Қарз берувчи ўзининг молидан бир қисмини узиб, кесиб, қарздорга бергани учун ҳам маълум муддатга пул ёки моддий қиймат бериб туриш мана шу сўз билан аталадиган бўлиб кетган. Аммо зиммага олинган қарз мажбурияти, бировга тегишли бўлган ҳақ араб тилида «дайн» деб аталади. Шунинг учун Бақара сурасининг 282-ояти «ояти мудояна», яъни «қарз олди-бердиси ояти» деб аталади:

بُتْكَ يَلَوْ ۙ هُوَ بُتْكَ أَفِئْتُمْ سُمْرٌ لِّجَأٍ ۙ لِيَلِي نِي دَبِّ مُمْتِنِي آدَتِ إِذِ اؤُنَمَّ آ نِي دَلِ اهُيَ آ اِي  
 بُتْكَ يَلَوْ ۙ هُوَ لَلِ اهُمَّ لَعَامَ كَبُتْكَ يَنَ اُ بَاتِ اَكَبُ اِي اَلَو ۙ لَدَعْلَابُ بَاتِ اَكُ مُمْكَ نِي ب  
 يَدَلِ ا نَا ك نِ ا ف ۙ ائِي شِ هُنْمُ سَخْبِي اَلِ وُ هَبَرَه لَلِ ا قَتِي لَو ۙ قَحْلِ ا هِي لَعِ يَدَلِ ا لَلِ ا مُمْ يَلَوْ  
 ۙ لَدَعْلَابُ هِي لَو ۙ لَلِ ا مُمْ يَلَوْ ۙ وَ ه ل مِي نَ ا عِي طَتِ سِي ا ل ۙ وَ ا فِ عِ ض ۙ وَ ا هِي فَ س ۙ قَحْلِ ا هِي لَعِ  
 نُم م نَا ت ا ر م ا وُ لُ ج رَف نِي لُ ج ر ا ن وُ ك ي م ل نِ ا ف ۙ مُمْ ل ا ح ر ن م نِي دِي هَش ا وِي دِ ش ت س ا و  
 ا م ا ذِ ا ا د ه ش ل ا ب ا ي ا ل و ۙ ا ر ح ا ل ا م ه ا ذ ح ا ر ك دُ ت ف ا م ه ا ذ ح ا ل ص ت ن ا ا د ه ش ل ا ن م ن و ص ر ت  
 ه ل ل ا د ن ع ط س ق ا م ك ل د ۙ ه ل ج ا ۙ ا ر ي ب ك ۙ وَ ا ر ي عِ ص ۙ ه و بُ تْ ك ت ن ا ا و م ا س ت ا ل و ۙ ا وُ غ د  
 ۙ مُمْ ك ن ي ب ا ه ن و ر ي دُ ت ۙ ر ا ح ۙ ر ا ج ت ن و ك ت ن ا ا ل ۙ ا و ب ا ت ر ت ا ل ا ۙ ن د ا و ۙ د ا ه ش ل ل م و ق ا و  
 ا ل و بُ ت ا ك ر ا ض ي ا ل و ۙ مُمْ ت ع ي ا ب ت ا ذِ ا ا وِي دِ ش ا و ۙ ا ه و بُ تْ ك ت ا ل ا ح ا ن ج مُمْ ك ي ل ع س ي ل ف  
 ل ك ب ه ل ل ا و ۙ ه ل ل ا م ك م ل ع ي و ۙ ه ل ل ا ا و ق ت ا و ۙ م ك ب ق و س ف ۙ ه ن ا ف ا و ل ع ف ت ن ا و ۙ دِي هَش  
 م ي ل ع ع ي ش

«Эй иймон келтирганлар! Маълум муддатга қарз олди-берди қилсангиз, уни ёзиб қўйинглар. Орангизда бир котиб уни адолат билан ёзсин. Ҳеч бир котиб Аллоҳ билдирганидек қилиб ёзишдан бош тортмасин. У ёзсин, ҳақ зиммасига тушган киши эса айтиб турсин, Роббига тақво қилсин ва ундан ҳеч нарсани камайтирмасин. Агар ҳақ зиммасига тушган киши эсипаст, заиф ёки айтиб тура олмайдиган бўлса, унинг валийси адолат билан айтиб турсин. Эркакларингиздан икки кишини гувоҳ қилинг. Агар икки эр киши бўлмаса, ўзингиз рози бўладиган гувоҳлардан бир эр киши ва икки аёл киши бўлсин, икковидан (аёллардан) бири адашса, бири бошқасининг эсига солади. Чақирилган вақтда гувоҳлар бош тортмасинлар. Кичик бўлса

ҳам, катта бўлса ҳам, муддатигача ёзишингизни малол олманг. Мана шу Аллоҳнинг ҳузурида адолатлироқ, гувоҳликка кучлироқ ва шубҳаланмаслигингиз учун яқинроқдир. Аммо ораларингизда юриб турган нақд савдо бўлса, ёзмасангиз ҳам сизга гуноҳ йўқ. Олди-сотди қилганингизда гувоҳ келтиринг, котиб ҳам, гувоҳ ҳам зарар тортмасин. Агар (аксини) қилсангиз, албатта, бу фосиқлигингиздир. Аллоҳга тақво қилинглари, Аллоҳ сизга илм берур. Аллоҳ ҳар бир нарсани билувчи Зотдир»

Қуръоний услубга кўра, ғоятда муҳим қонун-қоидаларни баён қилишдан олдин бу илоҳий кўрсатмалар кимлар учун мўлжалланганлиги айтилмоқда:

**«Эй иймон келтирганлар!».**

**«Маълум муддатга қарз олди-берди қилсангиз, уни ёзиб қўйинглари».**

Маълумки, бугунги кунда молиявий муомалаларга оид барча муҳим ишлар нотариал идоралар томонидан гувоҳлар ҳузурида ёзиб, расмийлаштирилсагина қонуний кучга эга бўлади. Шундай қилинса, ҳеч ким норози бўлмайди, ҳеч кимнинг ҳаққига тажовуз қилинмайди. Қуръони карим эса бундан ўн беш аср олдин бу қоидани гўзал ва мукамал тарзда, ҳеч бир тўлдиришга ўрин қолдирмай баён қилиб берган.

**«Орангизда бир котиб уни адолат билан ёзсин».**

Демак, қарз ҳақидаги тилхатни қарз бераётган одам ҳам, олаётган одам ҳам ёзмайди. Буни бетараф, холис одам – котиб ёзсин. Таомил шундай.

**«Ҳеч бир котиб Аллоҳ билдирганидек қилиб ёзишдан бош тортмасин».**

Афсуски, ушбу илоҳий қонундан узоқлашилгани боис, бугунги кунда қарзни вақтида адо этмаслик биз учун одатий ҳол бўлиб қолган. Қаерга қараманг, жуда кўплаб низолар, уруш-жанжаллар, қариндош-уруғ, дўст-ёрлар орасининг бузилиши, ҳатто оғир жиноятлар қарз муаммоларидан келиб чиқмоқда. Ақл бовар қилмас даражадаги катта қарзлар бир неча йиллардан бери тўланмаган. Кимдир қарз берган, кимдир олган, аммо қуруқ сўзга ишониб, ялиниб-ёлворганига раҳми келиб, на гувоҳ чақирилмаган, на кимдир бирон нарса ёзган. Энди эса омонатга хиёнат юзага келади – қарз берувчи талаб қилади, олувчи бермайди. Мабодо кимдир ўртага тушган бўлса, қарзини қайтариб ололмаган одам жон

аччиғида унинг ўзига ёпишяпти, яхшилик қиламан деган одам балога қолиб кетяпти. Шунинг учун кўпинча одамлар бундай ғалвали масалага аралашидан, ўртага тушишдан ўзларини олиб қочадилар. Аммо Аллоҳ таолонинг Ўзи бунга чақиряпти. Бир киши гувоҳликка чақирилса, Аллоҳ билдирганидек ёзишдан бош тортмасин, чунки бу савоб иш, Аллоҳ буюрган иш.

**«У ёзсин, ҳақ зиммасига тушган киши эса айтиб турсин, Роббига тақво қилсин ва ундан ҳеч нарсани камайтирмасин»**

Қарз берувчи эмас, балки ҳақ зиммасига тушган киши, яъни қарз олаётган одам «Мен, Фалончи, Фалончидан фалон миқдордаги пулни фалон муддатга фалон шартлар билан Фалончининг гувоҳлигида оляпман», деб айтиб турсин. Айтиб турган одам Аллоҳга тақво қилсин, бирон нарсани камайтирмасин, яширмасин, қарз олувчини, гувоҳларни алдамасин.

Қуръоннинг мўъжизалиги, динимизнинг адолати шундаки, айтиб туриш қарз берувчига эмас, олувчига юкланяпти. Бу айтиб адолатдир, чунки ёзиш қарз берувчига юкланса, у ўз фойдасини кўзлаши, шартномага ўзига манфаатли бирор ўзгариш киритиши мумкин. Қарз олувчи эса мушкул аҳволда турибди. У қарз берувчидан пулни тезроқ олиб, ишимни ҳал қилай деган мақсадда ёлғон аралаштирмасдан, тўғриси айтилади. Қарз берувчининг талабига рози бўлган одам ёлғон гапириши, ўз фойдасини кўзлаши мумкин эмас. Шунинг учун Аллоҳ таоло айтиб туришни унинг зиммасига юкламоқда.

Аммо шу ўринда бир нарсани яхши билиб олайлик. Қарз ҳаммага ҳам берилавермайди. Олган қарзини узишга кўзи етмаса, аввал ҳам бировлардан қарз олиб, уза олмаган ёки узишни кечиктириб юрган масъулиятсиз, субутсиз одам бўлса, бундай одамга қарз берилмайди. Ваҳоланки, қарз бераётган одам ўзининг фойдасини кўзламайди, балки мушкул аҳволга тушган одамни бу ҳолатдан чиқаришга, қийналган одамга кўмак беришга ҳаракат қилади.

Қуръони Каримнинг яна бир юксак адолати шуки, **«Агар ҳақ зиммасига тушган киши эсипаст, заиф ёки айтиб тура олмайдиган бўлса, унинг валийси адолат билан айтиб турсин».**

Қарз олаётган одам ҳисоб-китоб ишларини, нарх-навони яхши тушунмаса ёки заиф, яъни ёши кичик, кексайиб қолган, оғир касал бўлса, ёки гапира олмаса ёхуд бошқа жиддий, узрли нуқсонлар туфайли айтиб тура олмаса,

унинг валийси адолат билан айтиб турсин. Валийлар бошқа ишларда ҳам ўз қарамоғидагиларнинг масъулиятини зиммага оладилар.

**«Эркакларингиздан икки кишини гувоҳ қилинг».**

Табиийки, гувоҳликка адолатли, гувоҳлиги қабул қилинадиган, инсофдиёнатли кишилар чақирилади.

**«Агар икки эр киши бўлмаса, ўзингиз рози бўладиган гувоҳлардан бир эр киши ва икки аёл киши бўлсин, икковидан (аёллардан) бири адашса, бири бошқасининг эсига солади».**

Динимизда бир эркакнинг гувоҳлигига иккита аёлнинг гувоҳлиги тенг қилинади. Шунинг учун бу каби ўринларда иккита эркак гувоҳ топилмаса, бир эркак ва иккита аёлнинг гувоҳлиги жоиз дейилган.

Мана шу жумла динимиз душманларининг «Ислом аёл кишини тўлиқ одам ўрнида кўрмайди, шунинг учун гувоҳликка бир эркакка икки аёлни тенглаштиради», деган даъволарига сабаб бўлган. Ваҳоланки, динимизда баъзан мингта эркакнинг гувоҳлиги ўтмаса-да, биргина аёлнинг гувоҳлиги ўтадиган ўринлар ҳам бор. Эмизиш, туғиш ва идда масаласида бирорта эркакнинг гувоҳлиги ўтмайди. Бир беванинг иддаси ҳақида бир томонда мингта эркак, бир томонда эса битта аёл гувоҳлик берса, мана шу аёлнинг гувоҳлиги олинади. Динимиз душманлари эса буни эшитган бўлсалар ҳам, ўзларини эшитмаганга солишади.

Аслида гувоҳликка икки аёл шарт қилинишида бир олам ҳикматлар бор. Аввало, динимизда аёллар ниҳоятда эҳтиром қилинади, уларни фақат ўзларига мос, муносиб ишлар таклиф қилинади. Аёл онадир, латиф, назокатли, заиф бир хилқатдир. Қолаверса, Исломда иқтисодий таъминот ҳам, молиявий олди-бердилар ҳам фақат эркакларнинг зиммасига юклатилган. Ислом дини аёл киши бу ташвишлардан мутлақо озод бўлсин, моддий муаммоларни эркак ҳал қилсин, дейди. Шунингдек, аёл киши номаҳрам эркаклар билан холи қолдирилмайди, шунинг учун юқоридаги каби зарурат юзасидан, қонун тақозоси билан гувоҳлик қилиши керак бўлиб қолса, ҳеч бўлмаса бир дугонаси билан боради. Қолаверса, аёлнинг нозик кўнгли қарз олди-бердисида юзага келиши мумкин бўлган тортишувларда, жанжалларда тескари натижа бериб қўйиши, ҳаяжонланиб, аёллигига бориб, баъзи нарсаларни унутиб қўйиши ҳам мумкин, шунда бир-бирига эслатиб, далда бўлиб туриш учун ҳам гувоҳликка иккита аёл киши олинади. Шунинг учун оятда «икки эр киши

бўлмаса» деб шарт қўйилмоқда.

### **«Чақирилган вақтда гувоҳлар бош тортмасинлар».**

Қарз масаласи ниҳоятда серғалва иш бўлиб қолгани учун кўпинча ўртага тушишдан қўрқамиз, айниқса, пул олди-бердисиди гувоҳ бўлишни истамаймиз. Гувоҳликка чақиришса, баҳона топиб, ўзимизни олиб қочишга уринамиз. Лекин Аллоҳ таоло бундай қилиш дуруст эмаслигини, гувоҳликка чақирилганда бош тортмаслик лозимлигини таъкидламоқда. Келиб, гувоҳликка ўтсинлар. Имом Муслим ривоят қилган саҳиҳ ҳадисда Пайғамбар алайҳиссалату вассалом: «Сизларга энг яхши гувоҳ кимлигини айтиб берайми? Гувоҳлиги сўралмай туриб гувоҳлик берадиганлардир», деганлар. Яна бир ҳадисда «Ким биродарининг ҳожатини раво қилса, Аллоҳ унинг ҳожатини раво қилади», деганлар.

### **«Кичик бўлса ҳам, катта бўлса ҳам, муддатигача ёзишингизни малол олманг».**

«Шу арзимаган пулни ҳам ёзамизми», деб беписандлик қилиш, «Кейин ёзиб қўярман», деб масъулиятсизлик қилиш, бирор яқинимиз, дўстимиз, танишимиз қарз сўраб келса, «Шуни ёзиб қўяйлик» деса, хижолат бўлиб ёзмаслик мумкин эмас экан. Аллоҳ таоло «ёзишни малол олманг», деяпти. «Катта»дан олдин «кичик»ни зикр қиляпти. Нима учун? Аллоҳ таоло инсон табиатини яхши билади: озгина нарсани ёзиб ўтираманми, деб эриниши ёки бу нарса унга эриш туюлиши мумкин. Лекин мана шу озгина нарса сабабли эртага энг яқин дўстлар душманга айланиб қолиши, яқинлар юзкўрмас бўлиб кетиши эҳтимолдан холи эмас. Бугунги кунимиз бунга ёрқин мисол. Ана шу нарсаларнинг олдини олиш учун Аллоҳ таоло қарз олди-бердисининг миқдорини ҳам, муддатини ҳам эринмай ёзиб қўйишга буюряпти.

### **«Мана шу Аллоҳнинг ҳузурида адолатлироқ, гувоҳликка кучлироқ ва шубҳаланмаслигингиз учун яқинроқдир».**

Оғзаки гувоҳликдан кўра ёзма гувоҳлик кучлироқ бўлади, ўртага низо тушмайди. Ислом – тинчлик динидир, орани ислоҳ қилиш, меҳр-оқибат кўрсатиш динидир. Ислом ҳар бир нарсада тинчлик йўлини кўзлайди, жумладан, қарз олди-берди муносабатларида ҳам. Ака-ука арзимас пулни деб, эртага юзкўрмас бўлиб кетмасин, хиёнат бўлиб, дўстлар орасига адоват тушмасинлар деган мақсадда динимиз ҳаммага баб-баробар ёзишни буюряпти. Шундай қилсак, шубҳадан йироқ бўламиз. Қалбда пайдо



«Агар сафарда бўлсангиз ва котиб топа олмасангиз, қўлга олинадиган бирор гаров бўлсин. Бир-бирингизга ишонсангиз, ишонилган омонатни адо қилсин, Робби Аллоҳга тақво қилсин. Гувоҳликни беркитманглар! Ким уни беркитса, унинг қалби гуноҳкордир. Аллоҳ қилаётган амалларингизни билувчи Зотдир» (Бақара сураси, 283-оят).

Аллоҳ таоло Ўзининг чексиз илми, бениҳоя ҳикмати билан инсон зоти дуч келиши мумкин бўлган ҳар қандай вазиятни олдиндан кўриб, билиб, тегишли ҳукмларни баён қилиб қўйган. Айтайлик, бир киши сафарда қарзга муҳтож бўлиб қолди. Нотаниш одамдан қарз олишга мажбур. У билан шартнома тузиш учун на котиб, на гувоҳ бор. Бундай ҳолатнинг ечими – олаётган қарзингиз эвазига муайян қийматга эга бўлган бир нарсани гаровга бериб қўйиш экан. Ушбу гаров эвазига котиб бўлмаса ҳам, гувоҳ бўлмаса ҳам, қарз берувчи сизга ишониб, қарз беради. Икки тараф ҳам бир-бирига ишониб, омонат қўяди. Энди бу омонатни адо қилиш учун иккови ҳам Аллоҳга – Роббларига тақво қилиши керак. Шунинг учун бу оятда ҳам нафақат моддий масалаларда, балки ҳар бир ишда асос бўлиши лозим бўлган тақво яна бир бор эслатилмоқда.

Тақво бўлса, омонат адо этилади. Омонат адо этилса, одамларда ўзаро ишонч, ҳурмат мустаҳкамланади, муносабатлар яхшиланади. Тўғрилик, ҳалоллик бор жойда эса хайр-баракот бўлади, тинчлик-тотувлик бўлади.

Бир мушкулини ҳал қилиш учун қарз олган, сўнгра оғир кунда ёрдам берган биродарининг омонатига хиёнат қилмай, уни ўз вақтида узишга ният қилган кишига Аллоҳ таолонинг Ўзи мададкор бўлар экан:

وَيَا أَيُّهَا الَّذِينَ آمَنُوا إِذَا دَعَاكُمْ لِتُقِرُّوْا قَرْضًا لَّيْسَ بِكُمْ عَلَيْهِ حَرَجٌ مِّنْهُ فَاقْرُؤُوْهُ سِرًّا وَعَلَانِيَةً وَمِمَّا يُؤْتِي السُّؤْلَ بِهِ يَسْرًا ۚ فَمَن لَّمْ يَجِدْهُ يَسْرًا فَعَلَيْكُمْ حَرَجٌ مِّنْهُ ۚ فَاقْرُؤُوْهُ سِرًّا وَعَلَانِيَةً وَمِمَّا يُؤْتِي السُّؤْلَ بِهِ يَسْرًا ۚ فَمَن لَّمْ يَجِدْهُ يَسْرًا فَعَلَيْكُمْ حَرَجٌ مِّنْهُ ۚ فَاقْرُؤُوْهُ سِرًّا وَعَلَانِيَةً وَمِمَّا يُؤْتِي السُّؤْلَ بِهِ يَسْرًا ۚ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам шундай дедилар: «Ким одамларнинг молини (қарзга) олиб, уни адо этишни ирода қилса, уни Аллоҳ (Ўз ёрдами ила) адо этади. (Бировнинг молини) йўқ қилишни ният қилиб олган одамни Аллоҳ йўқ қилади».

Бухорий ривоят қилган.

Демак, қарз олмоқчи бўлган одам аввало ниятини тўғрилаши лозим экан. Агар у «Аллоҳим, шу биродаримдан қарз оляпман, уни қайтаришга Ўзинг ёрдам бер» деса, Аллоҳ таоло қарзни қайтаришга албатта ёрдам беради.



Лекин «Бойга бало урармиди, топганда бераман-да» деб олса, Аллоҳ таоло унинг ўзини йўқ қилади.

Ҳаётда бундай ҳолатга кўп марта гувоҳ бўлганмиз. Одамларни алдаб, ишончига кириб, найранг йўли билан пул олишни касб қилганларнинг бало-офатларга йўлиқиб, йўқ бўлиб кетаётгани мазкур ҳадиси шарифнинг исботидир.

﴿يُرَاخُ بَلَاءَهُ أَوْرُؤْمُ طَيِّبَاتٍ لِّلْطَمِّ لِقَاقِ رِيَّاتِ لِّلْأَنْعَامِ، تَعَرَّوْهُ رِيَّاتِ بَلَاءِ نَعَمٍ﴾

Абу Ҳурайра розияллоҳу анҳудан ривоят қилинган бошқа бир ҳадиси шарифда Набий соллаллоҳу алайҳи васаллам «Бойнинг (зиммасидаги ҳақни) бермай юриши зулмдир», деганлар.

Бухорий ривоят қилган.

Имконияти бор одамнинг зиммасидаги қарзни бермай юриши зулмдир. Бундай одам ўзига ҳам, қарз берувчига ҳам зулм қилади. Ҳақдор пулини ўз вақтида ололмай, зулмга учрайди. Ўзи эса бу иши билан гуноҳга ботиб, ўзига зулм қилади. Бундайларнинг адабини бериб қўйиш, қолганларни уларнинг кирдикоридан огоҳлантириб қўйиш керак:

﴿تَبَّ وَوُقُوعُهُ وَهُوَ رَعْلُ خِيَرِ دِحْ أَوْلَايَا لِيْلِيَّيْئِئِاسِنِّ لِّلْأَوْدَمِّ حِ أَوِّي رَاخُ بَلَاءِ لَو﴾

Имом Бухорий, Аҳмад ва Насайлар қилган ривоятда «Топганнинг бўйин товлаши унинг обрўсини **тўкишни** ва укубатини ҳалол қилади», дейилган.

Аслида динимиз таълимотида бировнинг шаънини ерга уриш, ҳақорат қилиш, обрўсини тўкиш, азоб бериш, калтаклаш ҳаром. Аммо қарздор одам имкон топганидан кейин ҳам қарзини бермай юрса, унинг обрўсини тўкиш, унга нисбатан чора кўриш ҳалол бўлади. Бу динимизда ўз ўрнида баён қилинган ҳукмдир. Давлатимизнинг қонунчилигида эса бундай жиноятларга нисбатан тегишли жазолар белгилаб қўйилган.

Аммо қарз олган одам ночор аҳволга тушиб қолган бўлса, қашшоқ, камбағал бўлса, қарзини қайтаришга мутлақо имкони бўлмаса, нима қилиш керак? Бу ҳолатда қандай йўл тутиш кераклигини ҳам Аллоҳ таолонинг Ўзи ўргатади:

﴿مُتْنُكَ إِنَّمَا كَلَّ زِيْحٌ أَوْ قَدَمَتِ نَأْوٍ ۖ عَرَسِيْمٌ لِّإِلِّرَطِنَفِ عَرَسُ عٌ وَذَنَّاكَ إِنَّاو  
نَوْمَلَعَتِ

«Агар ночор бўлса, бойигунича кутишдир. Садақа қилмоғингиз, агар билсангиз, ўзингиз учун яхшидир» (Бақара сураси, 280-оят).

Агар қарздор ночор бўлса, Аллоҳ таоло қарз берувчини сабр қилишга, қарздорни қийин-қистовга олмасликка, у ўзини ўнглаб олгунича кутиб туришга чақиради. Агар қайтаришнинг асло иложи бўлмаса, қарздорнинг камбағаллиги кундан-кунга ошиб кетаётган бўлса, берилган қарздан кечиб юбориш афзал экан. Бу ҳақда Пайғамбаримиз соллаллоҳу алайҳи васалламнинг ҳадисларида ҳам кўплаб иршодлар бор. Қарзнинг муддатини узайтириш олий фазилат бўлса, уни кечиб юбориш ундан ҳам каттароқ фазлдир.

Кўриб ўтганимиздек, қарз масаласи ғоятда муҳим ва масъулиятли ишдир. Шунинг учун ҳам унга оид ҳукмларга риоя қилмаслик оғир оқибатларга олиб келганидек, уни шараф билан адо этган киши кўпдан-кўп ажру савобларга эга бўлади.

أَفَلَا نَعْبُرُأَيُّبَ بْنَ الْيَمِّنِ مَضْرُوقًا سَاءَ لِقَاءِ عَصِيْبِ بْنِ هَلَالٍ ذُبَعُ  
أَجَّامًا، كَلَامًا وَكَلَامًا فِي هَلَالِ كَرَابٍ لِقَاءِ عَفْدَةَ لَامُ هَاءَ أَجَفُ  
يُسْنَنُ هَاوَرُ، أَدَالًا وَدَمَّخًا لِفَلْسِ ل

Абдуллоҳ ибн Абу Робийъа розияллоҳу анҳудан ривоят қилинади:

«Набий соллаллоҳу алайҳи васаллам мендан қирқ минг қарз олдилар. Кейин у зотга мол келганида уни менга қайтариб бериб, «Аллоҳ молингга ва аҳлингга барака берсин. Қарзнинг мукофоти мақтов ва адо этишдир», дедилар».

Насайй ривоят қилган.

Пайғамбар соллаллоҳу алайҳи васалламнинг «Қарзнинг мукофоти мақтов ва адо этишдир» дейишларида ажиб фалсафий маъно бор. Бундай ҳолда қарз берувчига бирдан-бир мукофот унинг молини ўз вақтида қайтариб бериш-у, қарздор томонидан унинг шаънига айтиладиган мақтов гаплар бўлади, холос.

Бугунги кунда бировдан қарз олаётганлар ҳам, қарз бераётганлар ҳам мана шу қоидаларни яхши тушуниб, амал қилишса эди, динимизнинг катта бир ҳукми адо этилган ва кўплаб жиноятларнинг олди олинган бўларди.

**Тафсир китоблари асосида Юнусобод тумани бош имом-хатиби,**

**Тошкент Ислон Институти ўқитувчиси,  
«Мирза Юсуф» жоме масжиди имом-хатиби  
Раҳматуллоҳ САЙФУДДИНОВ**

**тайёрлади**

**Фойдаланилган адабиётлар:**

- Қуръони Карим.
- Ваҳба Зухайлий. «Тафсирул Мунир фил ақийдати ваш-шарийъати вал манҳаж». Дорул фикр. Дорул фикрил-муъасир. Дамашқ. Байрут, 1418 ҳ.с./1998 м.с.
- Муҳаммад ибн Исмоил Бухорий. «Ал-Жомеъус-Саҳиҳ». Тошкент, 1973.
- Шайх Муҳаммад Содиқ Муҳаммад Юсуф. «Тафсири Ҳилол». Тошкент. «Шарқ», 2011.
- Шайх Муҳаммад Содиқ Муҳаммад Юсуф. «Ҳадис ва Ҳаёт» туркуми, 11-жуз. Тошкент. «Шарқ», 2011.
- Шайх Муҳаммад Содиқ Муҳаммад Юсуф. «Қарз ва унга боғлиқ масалалар». Тошкент. «Ҳилол-нашр», 2013.